



Broj: 20-11-9720-1/20
Sarajevo: 13.04.2020. godine

Na osnovu čl. 18. stav (1), 64. stav (1) tačka b), 70. st. (1), (3) i (6), 87. stav (3) i 90. Zakona o javnim nabavkama („Službeni glasnik BiH“, broj 39/14) i čl. 2. stav (3) i 6. Pravilnika o postupku direktnog sporazuma („Službeni glasnik BiH“, broj 90/14) i člana 7. Pravilnika o postupku direktnog sporazuma Ureda, broj: 20-34-14071-01/15 od 20.05.2015. godine, a u skladu sa članom 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo („Sl. novine Kantona Sarajevo“ br. 7/18, 21/19 i 5/20), šef Ureda za borbu protiv korupcije i upravljanje kvalitetom Kantona Sarajevo d o n o s i

ODLUKU

Odluku o pokretanju postupka javne nabavke i izboru najpovoljnijeg ponuđača putem direktnog sporazuma u postupku javne nabavke pružanja usluga izdavanja potvrda o vlasništvu vrijednosnih papira, za 250 nosioca javnih funkcija u Kantonu Sarajevo

Član 1.

(Predmet nabavke)

Odobrava se pokretanje i provođenje postupka javne nabavke za pružanje usluga izdavanja potvrda o vlasništvu vrijednosnih papira, za 250 nosioca javnih funkcija u Kantonu Sarajevo, u iznosu procijenjene vrijednosti do 3000,00 KM bez PDV-a.

Član 2.

(Realizacija nabavke)

- (1) Javna nabavka se provodi putem direktnog sporazuma u skladu sa Zakonom o javnim nabavkama i odgovarajućim podzakonskim aktima koji reguliraju oblast direktnog sporazuma.
- (2) Dodjela ugovora se vrši na način koji garantira najbolju razmjenu vrijednosti za novac.
- (3) Troškovi nabavke terete poziciju Ureda za borbu protiv korupcije i upravljanje kvalitetom Kantona Sarajevo, Konto: 613991 – Ostale nespomenute usluge i dadžbine, CPV kod: 79990000-0 Razne usluge vezane za poslovanje.

Član 3.

(Izbor najpovoljnijeg ponuđača)

Prihvata se ponuda ponuđača **REGISTAR VRIJEDNOSNIH PAPIRA U FBiH d.d. Sarajevo** u iznosu od 2.500,00 KM (bez PDV-a), odnosno u ukupnom iznosu od 2.500 KM (s obzirom da je ponuđač oslobođen plaćanja poreza na dodatu vrijednost).



Član 4.

(Stupanje na snagu i objava)

Odluka stupa na snagu danom donošenja i objavljuje se na web stranici Ugovornog organa.

Obrazloženje

U okviru provođenja Zakona o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19), Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured) ukazala se potreba za pribavljanjem potvrda o vlasništvu vrijednosnih papira. Provedeno je istraživanje tržišta i upućen zahtjev za dostavljanje ponude ponuđaču Registar vrijednosnih papira u FBiH d.d. Sarajevo. Ponuđač je dostavio ponudu/predračun br. 20-390-000012 od 10.04.2020. godine, koja je zaprimljena dana 10.04.2020. godine, za pružanje usluga izdavanja potvrda o vlasništvu vrijednosnih papira.

Dostavljena ponuda odnosi se na 250 potvrda, koje će biti realizovane u narednom periodu, uz napomenu da je dogovoreno da će ovlašteni zaposlenik Ureda preuzimati gotove potvrde o vlasništvu vrijednosnih papira u službenim prostorijama Registra vrijednosnih papira u FBiH d.d. Sarajevo.

Ponuda/predračun je izdata prema važećoj Odluci o naknadama za usluge Registra vrijednosnih papira u FBiH d.d. Sarajevo. U slučaju da dođe do izmjene navedene Odluke, ponuđač je dužan o tome pismeno obavijestiti Ured.

Saglasno članu 25. tačka 4. c) i d) Zakona o Porezu na dodatu vrijednost i člana 35. tačka 3. Pravilnika o primjeni Zakona o porezu na dodatu vrijednost, Registar vrijednosnih papira FBiH d.d. Sarajevo je oslobođen plaćanja poreza na dodatu vrijednost.

Dostavljena ponuda je ocijenjena korektnom i prihvaćena je u skladu sa osnovnim principima Zakona o javnim nabavkama i na način koji garantira najbolju razmjenu vrijednosti za novac.

Za postupke koji se provode putem direktnog sporazuma u vrijednosti preko 1.000,00 KM potrebno je zaključiti ugovor. Ugovorni organ će sa ponuđačem Registar vrijednosnih papira FBiH d.d. Sarajevo potpisati ugovor nakon provođenja ovog postupka. Ponuda ponuđača Registar vrijednosnih papira FBiH d.d. Sarajevo je cjenovno korektna, te je ista prihvaćena u cijelosti.

Novčana sredstva osigurana su u Budžetu Kantona Sarajevo za 2020. godinu, na poziciji Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj: 10/20).



OVLAŠTENJU.ŠEFA.UREDA

Faruk Sambegovic



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217

Sarajevo, Reisa Džemaludina Čauševića 1

